

АЛЕКСАНДР НЕКРАСОВ
(ГАМСА)

ШУДЫД -
ТЭРЫБ
ЛЭБАЧ



UNIVERSITY OF MICHIGAN LIBRARY

(JAN 1)

Александр Некрасов
(Гамса)

ШУДЫД-
ТЭРЫБ
ЛЭБАЧ



Кывбурьяс

Сыктывкар
Коми книжной издательство
1998

**Сиа муса гӱтырлы,
Павла Дмитриевналы,
зарни тупыльяслы —
миян челядьлы**

84 (2 Рос-Коми)
Н 48

Некрасов А. И.
Н48 Шуды — тэрыб лэбач. Кывбурьяс. — Сыктывкар: Коми книжной издательство, 1998. — 128 л. б.

ISBN 5-7555-0634-5

Коми литература радейтысьяслы бура тӱдса Александр Иванович Некрасовлӱн нимыс. Сийӱ гижӱ висьтӱяс да кывбурьяс, кодӱяс петавлісны Коми книжной издательствоын торӱя небӱгьясӱн. «Шуды — тэрыб лэбач» вьӱл небӱгын Александр Некрасов (Гамса) петкӱдчӱ медсясӱ кыдзи лирической поэт. Дерт жӱ, сылысь кывбурьясӱ окотапырысь лыддӱсны коми поэзия радейтысьяс, верстыӱяс и ичӱтджык арлыдаяс.

84 (2 Рос-Коми)

Н $\frac{4702310200 - 015}{М 128 (03) - 98}$ 23 — 98 м

ISBN 5-7555-0634-5

© Некрасов А. И., 1998
© Моторин В. А., художник, 1998
© Коми книжной издательство, 1998

АДЗЫСЬОМ



ШУД

Шудыд — тэрыб лэбач,
Вильыш сылөн лов.
Море сайё лэбас,
Он кө лючки ов.
Ыбъяс вылын сьылё
Зарни шепта сю,
Шудыд уджын кылё —
Шөпкё мам моз му.
Шудыд уджын ёнмё
Морт моз лунысь-лун,
Лэпты сылысь донсё
Оз мед лэбзы, мун.
Батьёй шуліс тадзи —
Дзоля дырйи мем.
... Шудсё уджын аддзи —
Кута сійёс нэм.

АДЗЫСЬӨМ

Чолөм, ёльяс, расьясөй,
Гажтөмгчинныд ёна-ө?
Тайө шуда часьясө
Ті өд медея донаөсь.
Служба менам помасис,
Кыз нө тані олінныд?
Ёна төвсьыс — ёмасьыс
Метөг, көнкө, полінныд?
Вай жө кутла тиянөс,
Дзёбөй: көсйө зэрмыны.
Өні сэсся миянөс
Торйөдны оз вермыны.

КОДЗУЛА ВОЙӦ

Кодкӧ кодзула войӧ
Дорис енэжӧ кӧш.
Кӧшыс югӧрсӧ койӧ,
Но оз шонты, оз пӧж.

Мыйӧн вой шӧр кад воис,
Лоис шензянатор:
Кӧшсӧ судзӧдӧс войыс,
Кӧсийӧ веськӧдны горш.

Сийӧ гумовтӧс васӧ,
Эжва шӧрысь кӧш тыр,
Юис чай быттьӧ маӧн
Войыс пӧлясигтыр.

ӨТИ ДУМӨН ОЛА

Өти думөн ола өні:
Колө шөриавны шог.
Менам мусукөй, тэ көні,
Мыйла та дыра он лок?

Вой төв, вой төв, тэнө кора:
Ну вай ылі муөдз дой,
Дона мортлы сьөлөм дорас
Менсьым шоглунөс тэ кой.

Мусукөс кө унмыс суис,
Козьнав сылы мича вөт,
Матысмө мед локтан туйыс,
Мед ме шог пиас ог пөд.

ПЫР НА ШУЛҢНЫ

Пыр на шулҢны пӧрысьджык войтыр:
«Дзормӧм Эжвалысь Егорей лун
Ваӧн-йиӧн кӧ пальӧдас ойбыр —
Турун козыналас Микӧла лун».

Сийӧ воас ӧд. Сидзи и лоис:
Тулыс виж пасьӧн пасьтӧдӧс рас.
Сӧмын Микӧла луныс кор воис,
Миян керкаӧ пыртӧс лӧк пас.

Батьӧс пӧрӧдӧс кок йывсьыс висьӧм
Да и суткиӧн кӧдзӧдӧс лов.
Курыд синваӧн сӧки ми мыссим,
Мыйла айӧным дырджык эз ов?

Сийӧ кадсянныс видзӧда стрӧга
Тайӧ лун вылас ӧнӧ ме пыр.
Тулыс вылас, дерт, некор ог лӧгав,
Сийӧс кора ме: выль шог эн пырт.

ВИЖЪЮР

Тöрыт на войтöлыс дурис,
Көнсюрö куйлö на лым.
Талун со вижъюр нин сюрис —
Шондi моз восьтöма син.

Чунь кузя быдмöглөн тырмис
Кöдзыдкöд вермасьны вын.
Вижъюрлөн бырöма йирмөг,
Ичöтик морöсыс пым.

Дзоридзыс гожöмланы сынö,
Матыстö гожйöдчан кад,
Соралö ма көрөн сынöд,
Мичмöдны Коми му рад.

ШОНДИЙ-МАМОЙ

Вурун тупыльяс
Мичаысь-мича
Зарни шонділөн
Ларечас тыр.
Төвлы кышодсө
Кыас да мыччас,
Көдзыд пöльлөн кор
Мыччыяс ныр.

Гөра-көдза кө
Матыстас тулыс,
Шонді кыас сэк
Мулы веж пась.
Лөз вöнь козьналас
Эжвалы-юлы.
Пуяс вöччодас
Сэтысь и тась.

Биа сьөлöма
Шонділысь-мамлысь
Виччö козинсö
Гожом и ар.
Шонді шойччытөг
Уджавны сяммö,
Некор сылөн оз
Тыртöммыв лар.

ЧЕЛЯДЬДЫРСЯ ВОЯСӨЙ

Челядьдырся воясөй да,
Чөскыд өмидз тусьясөй,
Кытчө бара лэбзинныд ті,
Муса еджыд юсьясөй?

Недыр кежлө волөй вай на
Миян дорө ворсыштны,
Тодса вөрө котөртлам ми
Котралыштны, горзыштны.

Лысан вылө пуксьылам да
Вильыш төв моз лыйыштам,
Эжва дорө лэччылам да
Эзысь чери кыйыштам.

Челядьдырся олөмөй да,
Чөскыд өмидз тусьясөй,
Он тай косөй миян дорө,
Муса еджыд юсьясөй.

ВОЙ ТӨЛАНӨЙ

Вой төланөй! Көдзыд төлөй!
Кымөръяссө вай тэ төлөд:
Медым турөб дурны дугдас,
Мед нин луныс нюмдас-югдас.

Вой төланөй тэ, ло вай ёртөн,
Турөбыслысь чегьяв бордсө,
Самолёт — көрт бордья лэбач
Медым Коми муө лэбас.

Аддзөдчывны батькөд- мамкөд,
Чужанінкөд — муса Гамкөд
Меным вывті ёна колө,
Да и муслунөй сэн олө.

ДЗОРИДЗАЛЫСЬ ЛЬӨМ

Еджыд кышөдсө судзөдіс льөм,
Сэссия ичмонь моз пасьтасис яра,
Медым пармалысь мичмөдны рөм,
Медым сьөлөмсянь гажйыштны бара.
Эжва нөрысын сулалысь ныв
Льөмкөд, донакөд, вашкөдчө, кылө.
Колип панөма выль сьыланкыв,
Медым ошкыны льөм пуос — нылөс.

Өтнас мыйлакө вой төв зэв скөр,
Льөм пу дзордзалөм вылө друг лоис,
Сійө ку пытшкас талун оз төр,
Көсйө чишкавны льөм пуос-чойөс,
Мыйла сылысь тэ дойдыштны лов
Көсьян инька моз, вой төлөй, висьтав?
Тадз өд тулысын дурны оз ков,
Мед жө ичмоньыс дзордзалас, кисьмас.

Сянтөм вой төлыс быттьө оз кыв
Менсьым шыасьөм-корөмөс, сөмын
Сылөн көдзыдөн тырөма сыв
Да зэв мисьтөма вежнясьө өні.
... Вөтліс вой төлөс матыстчысь гым,
Биа расьяснас ныр увсө чышкис.
Льөм пу быттьө со коялө лым.
Еджыд кышөдыс мөд воөдз пышйис.

МУСА НЫВЪЯС

Муса нывъяс — миян колипкайяс,
Гажоданныд Эжва дорса сикт,
Льом пуяс моз дзоридзалад майын,
Сэсса нюмыд оз и куслы дзик.

Бандзибаныд алöй кыа ворсö,
Синъясаныд öйö лöзов би.
Мырдьянныд тi зонъяслысь лун-войсö,
Сьölöманыс бипур пестад тi.

Ворсöдчöй, кор томöсь, дзоридз нывъяс,
Мусукасян кадыд — сiйö ма.
Но эн шедöй мисьтöм мортлы тывъяс,
Сэки шудыд исковтас, кыз ва.

МУСА СЫКТЫВКАР

Нимкодясьö менам сьöлöм ёна
Тэон талун, муса Сыктывкар.
Сьöлöмшөрöй, зарни кодъ тэ дона,
Коми йöзлön медся мича кар.

Быдман, сөвман, войвыв кодзув миян.
Сыктыв — Эжва пöлön воысь- во.
Вöччöдöны тэнö уджач пиян,
Дона, муса карöй, быд лун со.

Кыксё ар, а ичмонь кодъ öд том на
Парма шöрса дзоридз — Сыктывкар.
Некор, некор пыран туй он томнав,
Виччан йöзöс төв кöть гожöм, ар.

Сөвмöдін да велöдін тан менö,
Сетін козин, муслун öзтысь ныв.
Ошкыны мед ас `ног талун тэнö,
Сы вöсна и гижы сьыланкыв.

* * *

Эзысь гөлөстө, Донай, кыла:
Панін лэбач моз бур сьыланкыв.
Бокын олігөн медым эг ылав,
Чужан кыв дорө муслун эз сыв.
Мича шыяссъыс лолөй со сьылө,
Чужө юр вемын мичаджык дум.
Шогөй бытгьökө исковтө-сьлө,
Дона коми кыв менам оз вун.

РАДЕЙТЧӨМ

Ичөтик тушаа раминик ныв
Сьөлөмө биасис меным.
Өні ме ветлөдла садь нисьö сыв,
Быттьөкө веськалі пленö.

Думъясөн бипурсö кусöда бөр,
Сöмын тай вынöй оз тырмы.
Пöраяс воласны — серав кöть бöрд,
Вир-йöй весигтö сырмö...

... Лунысь-лун нывкалы сьөлөмас би
Гудөкөн ачым нин песта:
Нюжөд вай, донаöй, меланьö ки,
Лоан тэ меным невеста.

РЕГЫД ЛОВЗЯС ПАРМА-ВӨР

Вижьюр пыр на узьö со,
Аддзö мича вöтгяс.
Сырчик гортас эз на во,
Оз кыв утка пöтка.

Сигудöка Кырув шор
Варовджыкөн лоис.
Тöвлөн чегис йизьöм борд —
Нэм пом сылы воис.

Енэж кывзö тувсов гор,
Сöдджык öнi сийö.
Винёв бадь пу — кызлөн ёрт —
Еджыд прöшви кыö.

Регыд ловзяс парма-вөр,
Мичаö зэв вöччас.
Зарни шондi — сьöлөмшөр
Уна буртор вöчас.

БАРА НА ТУЛЫСЫД ВОАС

Арыс дивӧ кодъ: шоньд
да рам,
Збыльысь нюжаліс нывбаба
гожӧм
Весиг пельсь со вежӧма
сям —
Дзоридз чужӧма ичӧтик
вожас.
Муса пельсь, кыз
мунлытӧм ныв,
Бара думъяснас тулыслань
мунӧ.
Кодыр кӧдзыдыс нюжӧдас
сыв,
Вӧлись дзордзалан пӧраыс
вунӧ.
Сьӧлӧм гажӧдысь, войвывса
пу,
Казьті аньяслы томдырся
олӧм.
Кадыс ставсӧ на налысь
эз гу,
Мӧдысь дзордзавны
шаньяслы колӧ.

ӨШИНЬ УВ САД ЙӨРЫН

Өшинь ув сад йөрын ыдждалө ар,
Чеплялө пуяслысь коръяс.
Томиник пелысылы гожөмлөн жар
Кольөма өтнаслы торйөн.
Алөйгөрд сикөтшөн өзйөма пу,
Көдзыдыс веськодь дзык сылы,
Көть мездорад шымырт да сьылігтыр ну,
Кыз мичаник ичмоньос, гортөдз.

КОМЫНӨД ТУЛЫС

1. «Сырчикъяс, сырчикъяс, локтöй,
Эжвалысь пальöдöй ун.
Нывъясöй, вунöдöй шогтö,
Зонъяслысь чужтöй пöсь нюм».
2. Тадзи ме чуксалі коркө,
Сэки ме вöлі öд зон.
Чöv-лөнсьö гудökөн торки,
Сьölөмöй вöлі пыр дон.
3. Сырчикыс ас кадö локтіс,
Чегъяліс, кылöдіс йи,
Муслунöй визувтіс бокті,
Вöлі кöть сьölөмын би.
4. Рамлунös мыжала сöмын —
Куим кыв шуны эг куж.
Сьölөмöй майшасьö öні,
Чепöртіс томлунös пуж.
5. Комынöд тулыс со воис,
Сылі ме, сырчик моз рад.
Мый бара мекöд и лоис?
Век на мöй радейтчан кад?

КОР ЛОКТА ЧУЖАНИНӢ, ГОРТӢ

1 Кор локта чужанинӧ, гортӧ,
Сэк чужӧ радлун, пом ни дор.
Со Гам гӧраӧй морт моз дзоргӧ.
И тӧдӧс гӧстьӧс Кырув шор.

2 И сюся менсьым думьяс лыддьӧ
Туй бокын сулалысь веж ньыв.
А сынӧд маӧн ӧвтӧ быттьӧ
Да зӧля ӧктӧ сьыланкыв.

3 Зэв ылысянь на тӧдӧс мамӧй
Да воча тотшсьӧдӧ нин со.
Эз терпит сьӧлӧм шондӧбанлӧн,
Ӧд ветлӧ быдса куим во.

4 Зэв мелӧ чужис сьлӧн нюмыс,
А чужӧм вылас синва войт.
Ме тӧда, збыльмис аньлӧн думыс,
Ӧд узьтӧг колис уна вой.

ШУА, ДОНАӨЙ

Шуа, донаөй,
Тэнө кодзулөн.
Сөмын, эзысьөй,
Пыр ло югыдөн.

Шуа, донаөй,
Тэнө бобулөн.
Сөмын, дзоридзөй,
Пыр ло мичаөн.

Шуа, донаөй,
Тэнө гулюөн,
Сөмын, енэжөй,
Пыр ло сөстөмөн.

Шуа, донаөй,
Тэнө, кьяөн,
Сөмын, радлунөй,
Пыр ло тэрыбөн

Шуа, донаөй,
Тэнө өмидзөн,
Сөмын, вотөсөй,
Пыр ло юмовөн.

Шуа, донаөй,
Тэнө шондїөн,
Сөмын, зарниөй,
Пыр ло шоныдөн.

КОР ДЗОРИДЗӨН ӨВТЧӨ ВЕЖ ЛЬӨМ

Сэк нывъяслөн меліджык нюмыс,
И лунысь-лун содтө веж рөм
Зіль тувсовъя шоналөм муыс.
И сьөлөмсянь сьөлөмөдз пос
Сэк тэчөны зонъяскөд нывъяс.
И весигтө дзордзалө коз,
И небзьялө емалөм сывйыс.

АР

1. Арся кышоднас вöччöма парма.
Воис юсыясöс кольöдан кад.
Менам сьöлöмöй майшасьö бара.
Шогсьö ас ногыс öшинь ув сад.
2. Шондi дыша да сёрöнджык петö,
Весиг дзиб йылöдз кайны оз лысьт.
Вой тöv скöрджыка пуясöс летö.
Лыддьö вөр-валы гажтöмджык висьт.
3. Парма пöрысьмö морт моз сёр арын,
Стрöга виччысьö войвывса тöv.
Кызьяс лышкыда коясны зарни,
Турöб дырйи мед сулыштны чöv.
4. Воас тулыс и садьмас на парма,
Важсьыс мичаджык лоас на вөр.
Сöмын томлунысь шогся ме арнас,
Кодi некор оз бергöдчы бөр.

КӨКӨЙ-НЫЛАНӨЙ

Эзысь гөлөсөй, көкөй-ныланөй,
Горттөм олысьөй, менө кылан-ө?
Шонди чеччытөдз бара садьмөдін,
Нора сьылөмнад сьөлөм падмөдін.

Авья лэбачөй, арлыд лыддысьөй,
Менсьым шыасьөм пуктін пыдди со:
Асья кыакөд шудлун туналін,
Сэсся ас ногыд бур здук нюмьялн.

Ягьяс бурдөдысь, парма мичмөдысь,
Мича сьыланкыв миян вичмөдысь,
Мыйла пиянтө колин йөз позйө?
Сөрни вылө өд петлнн йөз костө?

Эзысь гөлөсөй, көкөй-ныланөй,
Горттөм олысьөй, менө кылан-ө?
Ёна джөмдөмысь доймис олөмыд,
Кыдзи пияныд тэнад олөны?

МАМЛӨН БУР СИӨМ

Өшинь улын төлыс летө пуяс,
Еджыд кудель печкө турөб-ныв.
Найө меным олөм-вылөм туйын
Казьтыштисны мамлысь сьыланкыв.

Уджөн нимөд, пиөй, чужанінтө.
Сөмын сэки кыпыд мортлөн лов.
Вылын кут век мортлысь ыджыд нимсө.
Өти думөн бур йөзыскөд ов.

Сьөлөмшөрлысь сиөм өнөдз видза,
Чужанінөй лои мамлөн сыв.
Шонтө муслун, коді меным вичмис,
И эг вунөд мамлысь сьыланкыв.

ВЫЛЫСЬ ПРАЗДНИК СО ВОИС

Вылысь праздник со воис —
Сьолём гажодысь лун.
Коть и гожомыс колис,
Чужо радлун да нюм.

Тайо луныс мем мыччö
Медся колана час:
Дзольгысь лэбач моз виччö
Менö челядь да класс.

Вылысь вөрзёдö сьолём
Зильгысь школьнöй звöнок.
Дзик на первойысь быттö
Пыра сетны урок.

Вежсьö ставыс: му и вөр,
 Том пöраыд оз лок бөр.
 Кадыс кöть и пудритö
 Вочасөн руд кудритö,
 Да эз сiм, эз пöрысьмы
 Радейтчöмлöм кöрыс на.

Съыланкывсö съыв, эн ланьт
 Миян муслун йылысь, ань.
 Медым тэнад, доналөн,
 Съөлöм бердыд шонавлö,
 Медым эзысь шыясыд
 Мича прöшви кыасны.

БУРЛАК ТӨЛЫСЬӨЙ

Бурлак төлысьөй, эзысь төлысьөй,
Мыйла нюжмасын талун, донай?
Арся ывлаыс важон пемдөма,
Тэнад югөрыд колө ёна өд.

Вай жө доддявлы тэрыб вөвъястө,
Сэсся гулайгышт, энэж мичмөдышт,
Өкты кодзувъяс асья кыаөдз,
Медым тырмас тшөтш меным мичмөдны.

Колө кодзувсө нывлы козьнавны,
Медым небзьөдны сылысь сьөлөмсө.
Эзысь төлысьыд кыліс корөмөс,
Кымөр сайлөма сійөс, вөлөмкө.

Муса пиукөй! — төлысь шыасис —
Со нин доддяся: регыд мыччыся,
Сэсся збыльмөда тэнсьыд корөмтө.
Меным нимкодь, мый менө виччысин.

ГУДӨК ШЫ КОР КЫЛА

Гудөк шы кор кыськө кыла,
Сэки шымыртлывлө лов.
Вешгяс пöрысьлунöй ылö,
Нимкодясътөг ог на ов.

Пыр и син водзö тай сувтлас
Эжва нöрыс, муса ныв,
Мича дзоридзьяса увтас,
«Мича нывъяс» сьыланкыв.

Гажа нöрыс ванас кырис,
Ваыс абу важкодъ сөдз.
Жаль, мый шоча гудөк шыыс
Кывлө сиктын, мый көть вöч.

Мамӧс ӧлӧда бара:
 Кокньӧд олӧмтӧ вай,
 Мӧссьыд энотчы арнас,
 Ассьыд мырсин нин пай.

Недыр чӧв оліс сійӧ,
 Сэсса паніс со висът:
 Ки-кок вӧрӧ на, пиӧ,
 Мӧстӧг овны ог лысът.
 Сьӧкыд пӧраыс вӧлі
 Тӧдан, зарнийӧй, кор,
 Не кӧ Серӧдлӧн йӧлыс,
 Гашкӧ, кӧдзалис горт.
 Кыдъя няньторъяс йӧлӧн
 Горша сӧйлінныд ті.
 Сійӧн бурмывліс сьӧлӧм,
 Сідз ме быдті ныв-пи...

Сьӧкыд пӧраыс ылын,
 Ӧні олӧмыс — ма.
 Вирӧ йиджӧма йӧлыс,
 Видзны мӧс — колӧ на.

ТОМЛУН

1. Муса томлун, шуда дойй,
Кытчö бара ылалін?
Гашкө, югыд тувсов войö
Эжва кузя кылалін?
2. Гашкө, льом пу садъя йöрыс
Муслуныдкөд сайöдiс?
Гашкө, тэнö гажа вöрыс
Визув шорлань вайöдiс?

НЫВЛЫ ПИСЬМӨ

Видза олан, муса дзоридз-нылӧй,
Талун тэсянь воис письмӧтор.
Гижан, кыдзи дзольгӧ олӧм-вылӧм,
Весиг талань матыстӧн ас горт.

Сингяс водзын чужан сиктӧй лоис,
Эжва дорын — мича ичмонь-льӧм,
Мекӧд орччӧн, донаӧй, тэ со и,
Бандзибгьясад ворсӧ кыа рӧм,

Служба тан ме лючки-бура нуа,
Шуд йылысь мед олӧс сьланкыв...
Дзодзӧггьяскӧд воа чужан муӧ,
Видза колян, менам дзоридз-ныв.

«ХРОМКА» ГУДӨК

«Хромка» гудөкөй,
Эзысь гөлөсөй,
Панлн сыланкыв уна пөлөсөс.
Кужлн ныв-зонлы
Гажсө вичмөдны,
Югыд томлунсө
Налысь мичмөдны.
Өні гөлөсыд тэнад бырөма,
Быттьө сьөлөмыд
Шогөн тырөма.
Видзны чужан му
муні ворсысьыд —
Тэнсьыд гөлөстө
Восьтысь-корсысьыд.
Локтас сійө, да бара шысян, —
Нылөс чукөстан
Рыгтя кысянь.
Ворсан сыланкыв уна пөлөсөс,
Нылыс сьылас сэн
Мича гөлөсөн.

ВЫЛЬ ВО ВОДЗВЫЛЫН

Öшинь стеклöö мича дзоридзьяс
Кодзыд ляскөма бара со.
Мый нө мөвпыштан выль во
водзвылын,
Сійос збыльмөдас локтысь во.
Көсья ныв-пилы: шуд мед нюмъялас
Налөн сьөлөмас лунысь-лун.
Лөксö йөзлы код пыр на тунъялө,
Сылөн пемдас мед мисьтөм дум.
Медым томъяслөн муслун дзордзалас,
Лоас мича, кыз сьыланкыв.
Сьökыд ордымъяс кодъяс венöны,
Налы бурыс мед мыччас сыв.
Мед быд керкаö шудлун овмөдчö
Да и гижөдö олөм-сад.
Книга лист бокъяс кузя мед сөмын
Челядь төдiсны война кад.

БУР ХУДОЖНИК ГОЖӨМ

Бур художник гожөм
Уджалө быд вожын:
Видзьяс вылын, вöрын,
Ыбьяс вылын, йöрын
Турунвижов серпас
Öдйö вöчны вермас.
Югыдлöзов тыяс,
Эжва шöрын гыяс
Серпасалас-вöчас
Гожөм вывті стöча.
Шойччыштас и бара
Уджö босьтчас яра:
Кымöр сайö пондіс
Сійö дзєбны шонді...
Серпасалис зрөм
Аслыспөлөс серөн.

ЮГЫД ТОМЛУНӨЙ

Югыд томлунөй, тэрыб лэбачөй,
Менам олөмлөн асывводз,
Лэбзин-жбыркнитін татысь, донаөй,
Шоныд саридзлань водза-водз.

Тэнсьыд, томлунөй, бордтө чишкаліс
Сьөкыд олөмыс — война кад.
Сійө пөраас, кодыр янсалім,
Дзикөдз гугасьліс олөм лад.

Ылөдз визувтис сійө пөраыс.
Кадыс пудритис менсьым юр.
Волы гөститны, муса томлунөй,
Локтігкежлад ме пуа сур.

Тэкөд гудөкөн сэсса ворсыштам,
Эжва нөрыслысь шердьям ун.
Мича сьыланкыв панам-горөдам,
Чужтам нывьяслысь мелі нюм.

КЫА

Алөй чужөмбана кыа
Югьд шондлөн бур ныв.
Мича асыя серпас кыө,
Мыччө кымөрьяслань сыв.

Вөртас сайө ыджьд бипур
Сийө öзтөма нин со.
Кьдзкөд вашкөдчө нин пипу:
«Луныс кьятөг оз во».

ЧУЖАНИН

Чужанинӧй менам —
Мыла сьыланкыв,
Чужанинӧй, тэнад
Мамлӧн кодъ жӧ сыв.

Мед кӧть тэсянь ылын
Ӧні, чужанин,
Шуа тэныд, кылан:
Гажӧй быри нин.

Косьтӧ сьӧлӧм Эжва,
Кыдзи муса ныв,
Корӧ: пиук, кежав,
Он мӧй менӧ кыв?

Виччӧ маа дзоридз,
Чӧскыд вотӧс, тшак.
Гортӧ тшӧтш со корӧ
Сад кодъ гажа яг.

Чужтин-быдтин менӧ,
Зарни коми му.
Чужанинӧй, тэныд
Лӧк кыв нэм ог шу.

Чужанинӧй менам —
Эжва дорса сикт.
Чужанинӧй, тэ ӧд
Ставлӧн ӧти дзык.

АВЪЯ ЛЭБАЧ — КОМИ КЫВ

Авъя лэбач — коми кыв,
Коми сёрни, сьыланкыв.
Быдмин-сөвмин, сьөлөмшөрöй,
Коми йöзкöд парма шöрын.

Мича дзоридз — коми кыв,
Чужанінлөн муса ныв.
Уна нэм тэ олан-вылан,
Ылöдз нималан да кылан.

Шондi югöр — коми кыв,
Кыпыдджыка сёрнит, сьыв.
Медым тэнад ыджыд рöдыд
Коми кывлысь мичсö тöдiс.

Бурд

24

Ещё

ко

ЭЖВА ЮӨЙ

Эжва юөй, шондїбанөй —
Коми мулөн сьөлөм шөр.
Мам кодь овлывлан тэ шаньөн,
Видзөдласыд абу скөр.

Эжва юөй, шондїбанөй,
Сыктыв тэнад ичөт чой.
Вынтө содтө муса аньлы
Сійө, майбыр, лун и вой.

Эжва юөй, шондїбанөй,
Эзысь чери быдтысь ёрт.
Сын да ёді чериняньөн
Йөзлысь озырмөдан горт.

Эжва юөй, шондїбанөй,
Тэнад ылөдз кывсьө ним.
Менам радлун — муса Гамөй,
Эжва бокас чужанін.

СЫЛАН, СЫЛАН, СЫЛАНКЫВ

Тувсов шондi — муса ёртным
Дзоридзьясысь эшкын кыё.
Кышыд сыланкывъяс шыён
Пальёдам ми вёрса ордым.

Сылан, сылан, сыланкыв,
Туйё микёд пет,
Паськыджыка нюжод сыв,
Гулю моз жё лэб.

Сьёкыд ордым венны миян
Сыланкывйыс отсөг сетас.
Коть и мудзун пёттөдз шедас,
Радось лоам сиктса пиян.

Сылан, сылан, сыланкыв,
Туйё микёд пет,
Паськыджыка нюжод сыв,
Гулю моз жё лэб.

Гаж да серам дзольгё шорён
Ми походын шудлун корсям.
Мудзам — шойччыштам да ворсам,
Бурмас сьёлём парма горён.

КОЗЬНАЛӨ МАЙЫС

Унатор миянлы козьналө майыс:
Эжваос пальодан гор,
Быдмөгъяс киськалө енэжса чайон,
Пуяслы мыччө веж кор.

Унатор миянлы козьналө майыс:
Льом пулы дзоридз, кыдз лым,
Шоналом сынөдсө соралө маон
Медводдза матыстчысь гым.

Унатор миянлы козьналө майыс:
Ярьюгыд тувсовъя лун,
Мездлун да мир сійө миянлы вайис,
Нэмъяс чөж коді оз вун.

АСЪЯ СЕРПАС

Пуяс костын төвру узьö,
Кымөр локтö нисьö оз.
Мöдлапöлысь бипур кусö,
Мойджыв мойдö пöрысь коз.

Ичöt пияныслысь видзö
Козйыс талун чöскыд ун.
Маөн öвтчысь паськыд виддзыс
Чужтö асывводзлысь нюм.

Радлö сьölöм асья мичнас,
Гажа суртöг кольмö юр,
Регыд шондi юрсö мыччас,
Восьтас öшиньяссö гур.

ТЭЛЬӨДЧЫСЬ Ю

Лэчыд азыласнас кыбис
Рыгыс шондiсö со.
Рыгтя кыа кор кыбис,
Төвру лэбзис, эз ло!

Шойччö-вугралö арнас
Бура идралöм му.
Вөгтяс вötасьö парма.
Өтнас тельöдчö ю.

Некор шойччыны сылы,
Тырмö удж вой и лун.
Юыс сьыланкыв сьылö:
«Меным веськодъ тэ, ун».

РУА ЧАС

Ыбъяс вылын кышӧдчӧ
Зарни шепта сю.
Тагъя сур моз кыпӧдчӧ
Вӧр-ва весьтӧ ру.

Руыс ӧдйӧ сывъяліс
Сикт и енэж от.
Шеді сылы тывъяс и
Пурья теплоход.

Ельдӧг чукӧр виччисны
Дыр нин руа час.
Тшакъяс юрсӧ мыччисны —
Радлӧ тӧдса рас.

ТУРӨБ

Өшинь улын тола лыбө, чорзё.
Керкаысь оз вөзйысь петны пон.
Пач трубаын вой төв бөрдө, горзё.
Вильыш турөб лэптө ассьыс дон.

Турөб, турөб, мыйла дыр он бурась?
Быттьö кага вежмасын мөд лун.
Шыбит, ёртöй, кисьыд лымйöсь куран,
Миянысь вай исковт, гортад мун.

Сералігтыр турөб крапкис-шуис
(Кывйыдла тай оз на зэптас пыр):
— Метөг тулыс оз пысьт Коми муö,
Дурьшта — и сійö мыччас ныр.

ПУКСЬӦ ЛУН

Изйӧн ворсӧ-тӧльӧдчӧ
Котӧртигас шор.
Тӧвруыскӧд кольӧдчӧ
Сылӧн мыла гор.

Гусьӧникӧн вашкӧдчӧ
Кыз пу — мича ныв.
Мусмӧма нин, гашкӧ да,
Сылы коз ли ныв?

Асья кыа туналӧ
Муыслы бур лун.
Мусмас сйӧ уналы,
Паметъысь оз вун.

ВОСЬТИС ÖШИНЬСÖ КЫА

Восьтиc öшиньсö кыа,
Шондi чужöмсö мыччис,
Мича кöсасö кыö
Аслысногөн со кыддзыс.

Колип, сьылантö кой вай,
Ошкы шондiсö, мусö,
Тэн и мен миян войвыв
Дона, матысса, муса.

ТУЛЫС

Тулыс! Тулыс! Чөскыд сынöd!
Олöm чужтысь ёрт.
Помтöm-дортöm тэнад выныд,
Муса тэнад гор.

Мулысь еджыд эшкын нюлiн,
Восьтiн лыдтöm ю.
Нюмъялан со мам моз мулы,
Пасьтödiн быд пу.

Ичмонь тулыс! Кöка войöй!
Паськыд тэнад сыв.
Олöm чужтысь, муса чожöй,
Кыпыдджыка сыв.

ЧИКЫШЪЯС

Чикышгъяс, чикышгъяс,
Зэв тэрыб лэбачьяс,
Любө, мый гортаныд
Воанныд ті.
Парманым мам моз жө
Тіянөс лелькуйтис,
Быдөн өд сылы ті
Ныв либө пи.
Сөмын тай регыдик
Оланныд миянын,
Видзөда — бара нин
Лэбанныд тась.
Бур туй да дзоньвидза,
Мусаяс, тіянлы...
Регыд и парма тшөтш
Пасьталас пась.
Тулыснас тіянөс
Бара ми виччысям.
Парма оз гөльмы,
И век вичмас поз.
Выль локтысь гождөмсө
Тіянлы мичмөдны
Ме тшөтш сэк отсала
Нюмъялігмоз.

МУСЛУН ПЕСТАМ МИ

Муса батый, сьолөмшөрөй,
Козьнав «хромка» гудок мен.
Гажода сэк вой шөр бөрөдз
Том войтырөс тан и сэн.

Өмидз тусьяс — муса нывьяс
Панасны бур сьыланкыв.
Сөкөл зоньяс — небыд сывьяс
Чөвталасны налань тыв.

Югыд кодзув — муса нылан
Сэк мед мыччас меным-ки.
Шудлун йылысь сэки сьылам:
«Муслун, муслун өзтам ми».

Дона батый, сьолөмшөрөй,
Козьнав «хромка» гудок мен.
Гажода сэк вой шөр бөрөдз
Том войтырөс тан и сэн.

АРЫС ТӨВЛАНЬ СО СЫНӦ

Арыс төвлань со сынӦ,
КойдӦ му, ва и сынӦд.
КӦдзыд пӧлюк нин садьмис,
шуис: доддясьны кад нин.

Сылӧн войталан ёртыс
Кыліс шыасьӧм-корӧм.
Пыр и сосьяссӧ пуджис
Да и кутчысис уджӧ.

Вына кияснас вой төв
Мырсьӧ-уджалӧ войбыд,
Камгӧ, мӧлӧтнас дорчӧ
КӦдзыд пӧлюккӧд орчӧн.

Зарни шонді вөчис
Лунтыр сьökыд удж.
Вөртас сайö пуксис,
Шойччыштны мед сутш.

Лэбачьясысь лөнис
Öшинювса сад.
Муса нылук, воис
Тэныд узыны кад.

Енэж шөрö петіс
Тöлысь — пöрысь тун.
Ваяс сійö тэныд
Мича вөтьяс, ун.

КАТЯ, КАТЯ, КАТЕРИНА

Катя, Катя, Катерина,
Öмидз тусь кодъ сиктса ныв!
Тэлань менам сьөлөм сынö.
Кора: мыччы мелань сыв.

Ловъя кодзув — менам муслун,
Менам радлун, сьөлөмшөр!
Морös кудйысь би оз куслы
Асывводз көть вой шөр бөр.

Менам ловлы тэ медмича,
Шонтö менö тэнад нюм.
Аканьös моз тэнö видза,
Некор мичлунсьыд ог ум.

Катя, Катя, Катерина,
Öмидз тусь кодъ сиктса ныв!
Тэлань менам сьөлөм сынö.
Кора: мыччы небыд сыв.

ГУДӨК ВОРСӨ

Еджыд прөшви кыö
Льом пу бара тан.
Рытиввывсянь кыа
Мыччис чужомбан.

Кылö, гудök ворсö,
Мыла сылөн гор.
Сылысыясös корсьö
Гудокасысь морт.

Нормом сьолөм паніс
Меным сыланкыв:
Тэнад муслун тані —
Сьöd синъяса ныв.

ИЧМОНЬ ПЕЛЫСЬ

Кисьмө ичмонь пелысь,
Өктө шонді дзирд.
Сійө шань да мелі,
Нюмъялө со пыр.

Зарни ар кор воис,
Гөрд туг өшліс тыр.
Омичаджык на лоис,
Керкаад көть пырт.

Тусьяссө сэсь өктіс
Өмидз тусь кодь ныв.
Пелысь дорас йөктіс,
Сыліс сыланкыв.

Медым шудлунным туас,
Шонді шойччыны муніс.
Сиптіс өшиньсө кыа.
Луныс вөр сайö суніс.

Ловъя кодзулөй, петав,
Тэ өд меным зэв дона.
Тэкөд муслун би пестам,
Восьтам радейтчан томан.

Сэссия лёкторсö ёрам,
Эзысь төлысьлы шуам:
— Тунав быдторсö, корам,
Медым шудлунным туас.

Духи дукөн козынасьö
Льом пу — муса ныв.
Льом пу дорас сьылöны
Мыла сьыланкыв.

Сьыланкывйыс мичмöдö
Сиктлысь чужöмбан,
Сералöны, дзольгöны
Рытбыд ныв-зон тан.

Быд том мортлөн синъясас
Öзйö лöзов би.
Гартчö льом пу гöгöрыс
Мусукасян шы.

Көдзыд пöль козьнасьö эзысьөн.
Гыөрзьö пуяслөн лов.
Енэжын тöлысь со агсасьö,
Көдзыдсьыс сійö оз пов.

Кыдзьясöс дорöма эзысьөн.
Ризисö кышалö вой.
Расъясын пуясыс кывзöны
Пöлюклысь тöv йылысь мойд.

Гөрд дөра дөрөмсө кыа
 Эжваын пожъявлө пыр,
 Алөйгөрл көсасө кыө
 Пельсь пу нюмъялігтыр.

Шонділөн югөрыс яра
 Пув розъяс гөрдөдө со.
 Гөрд бана турипув арнас
 Вутш вылын виччысьө то.

Шонділөн зарниыс тырмас
 Уналысь мичмөдны сям.
 Краскаыс ларечас тыр на
 Быдтасъяс гөрдөдас тан.



МЕ РАДЕЙТА

МАМЛЫ

1. Муса мамой дай дона мортый,
Чужтысь-быдтысьой, коми аньой,
Шуа тэнö ме медбур ёртөн,
Шуа тэнö ме медся шаньон.
2. Тэнад олөмыд би пыр муніс
Тэнсыд томлунтö уджыс гуис.
Тэнад луныс и войыс вунліс.
Тэнад йөз дорас муслун туис.
Тэнад мывкыдөн корсьны петі.
Шудсö лэбач моз сзсь ли, тась ли.
Бөръя денъгатö меным сетін,
Тшөктін, медем ме пернааси.
3. Муса мамой дай дона ёртый,
Чужтысь-быдтысьой, сьолөмшөрый.
Менö, зарнийой, вöчин мортөн,
Сійөн крепыд и олан гөрөд.

Пыр на кассяна воӧс
 Тунӧн шулывлӧ морт:
 Сийӧ бурторъяс сейӧ,
 Йӧзлысь бӧрдӧдлӧ горт.

Ныв-зон костын кӧ орӧ
 Зарни муслунлӧн шӧрт,
 Кылан шыасьӧм-корӧм:
 Тунӧй, лектортӧ йӧрт.

Олӧм-вылӧмлӧн югӧр
 Чусмис-кымӧртчис кор,
 Шуас войтырлӧн чукӧр:
 Тунӧс лыяс мед мор.

Ӧти тӧдса морт шуӧ:
 Шудтӧ кассяна во
 Оз, оз ну ёма муӧ,
 Он кӧ немруйӧн ло.

ВОИСНЫ КОМИО КАЛЯС

Воисны Комио каляс
Садымодны войвывса му,
Донаяс чим еджыд шальяснас
Өвтöны шоныдик ру.

Олігөн-вылігөн лунвылас
Быд каля вöтавліс горт.
Лэбачьяс чукөрлөн дум вылас
Воліс пыр пармалөн гор.

Ай-мамлөн мусаник ордымыс
Медым эз эжсы, эз тыр,
Каляс воисны гортаныс,
Сьөлöмыс радлунөн тыр.

ДЗОДЗОГЪЯС ЛЭБӢНЫ

Дзодзӧгъяс, донаяс, лунвылӧ лэбӢны,
КольӢны мӧд воӧдз чужанӢн, горт.
Сьӧлӧмтӧ вӧрзӧдысь сьыланкыв сьылӢны:
«Коми му, сьӧлӧмшӧр, аддзысьтӧдз, ёрт...»

Медводдза лым чиргъяс бордгъяснас койӢны
Лэбачгъяс саридзлань йӧткысигмоз
Миянын регыд кӧть олісны-вылісны,
Жальпырысь кольӢны мусаник поз.

Дзодзӧглӧн бӧрдӧмыс сьӧлӧмӧс нормӧдіс,
Казьтіс мен ныв-пилысь бордгъясян кад.
Лэбач моз найӧ тась лэбзисны-мунісны,
Мӧдлаын мичмӧдны олӧмлысь лад.

Тулыснас дзодзӧгъяс бӧр гортас локтасны
Пелькӧдны-шонтыны поздысянӢн,
Сӧмын тай ныв-пилы олӧмыс-вылӧмыс
Оз козьнав ас мулань лэбзгыны вын.

ДОНА ЭЖВАЙ

Вья бордъяснас кыа
Вежө Эжвалысь мич.
Дзольгысь лэбачьяс шыөн
Садьмө парма и видз.

Дона Эжваыс юыс —
Коми пармалөн ныв —
Ылөдз васө зэв нуө,
Ылөдз нюжөдіс сыв.

Нэмсө веськөдіс горшсө
Коми войтырлысь ю.
Вөлі сылы бур ёртөн
Берегдорса быд пу.

Эзысь чериён-ййөн
Сійө чөсмөдіс нэм.
Эжва быдөнлі вайліс
Бурсө тані и сэн.

Жаль, мый дзоньвидзалуныс
Лөкмө юыслөн со.
Весиг гажъялан нюмыс
Сылөн важкодъ эз ло.

МАРКО ОЛЬГА

Марко Ольга — Зарни ань,
Небыд съөлөма да шань.
Югыд олөм-вылөм оліс,
Нимыс йөз паметьö колис.
Винёв бадь пу кодь нывбаба,
Ичөтсянь эз вөв лябөн.

Сылөн верөс — «вичко крест»
Анькөд кыис олөм вез.
Уна челядь — дзоридз чукөр
Шонтіс налөн шоныд югөр.
Керка радліс ныв-пи вылө,
Налөн дзольгөм кыліс ылөдз.

Сөмын лёкыс вайис шог —
Көйдіс верөслөн ки-кок.
Дзугсис, джөмдіс олөм ладыс,
Воис аньлы дөва кадыс.
Шог көть пиньтөм — съөлөм йирө,
Визув шор моз юрад пырө.

Ольга тьөтлөн тырмис сям
Венны шогсө сэн и тан:
Гөрис, көдзис, видзис скөтөс,
Челядь вөліны мед пөтөсь.
Юысь тывйөн кыйліс чери,
Тшупліс пельөс лэчыд черөн.

Марко Ольга — Зарни ань
Нэмсö сыніс югыдлань.
Ачыс югыда жö өзйис —
Гамса йöзлы буртор вöзйис.
Сы вöсна и аньлөн нимыс
Пыр на олö чужанінын.

МЕ РАДЕЙТА

Ме радейта ас муöс — Гамöс,
Сэн ставыс мен дона да жаль.
И кодзувъяс — батьöс и мамöс,
Öд налөн ме быдтасыс — чаль.

Ме радейта мöдлапöv вөрöс,
Сэн уна зэв вотöсаин,
И сикт-грездлысь крутіник нöрыс,
Лөнъ Эжвалысь лöзоват син.

Ме радейта уджач, зіль йöзöс,
Öд дорöны найö тан шуд.
И енэж, код лöсталö лöзöн,
Веж дзоридзöн нюмъялысь луд.

Ме радейта лэбачлысь сьылöм
И медводдза матыстчысь гым.
Ме ас муöс сьölöмөн кыла,
И сы дорö муслун оз чин.

СТАП ӨНЬ ПАШ

Сиа П. И. Шильниковалы.

Стап Өнй Пашой, шондйбаной,
Эжва дорса муса пи,
Тэнад уджон, тэнад сямон
Нимкодясьлим сиктын ми.

Дзоньвидзалун йозлысь видзны
Кужлин бура, дона морт.
Гашкө, енмыс тшөктис сидз нин:
Висьомгьяслысь шырны борд.

Гамса уна мортлысь, врачой,
Бурдодывлин сьокыд дой.
Выло эн пуксьывлы ачыл,
Пессин, мырсин лун и вой.

Гортад, Пашой, ыджыд семья.
Гид тыр ыж и мос, и вов.
Тождыс точитлис юр вемто:
Лёкыс тывсө мед оз чөвт.

Готыр Ольга — семья пыкод
Пыдди пунктис тэнсьыд удж.
Шогсө, гажсө юклин ськод,
Медым олөдыштны мудз.

Дыр на дзоньвидзалун вайин
Эськө йозлы, муса пи.
Эз кө регыдикон ваймы
Тэнад моросбердса би.

Катласьоны Эжва весьтын каляяс,
Вильшасьоны челядьяс моз дзик.
Ставныс найö быттьö еджыд шаляось.
Лэбач чукөр гажөдоны сикт.

Сөмын лёк морт торкис налысь ворсөмсö:
Берег дорсянь кыліс лыйём шы.
Öти каля из моз усьö горзөмөн,
Здук, и сійөс сывъяс босьтис гы.

Пуксялісны мөдлапөлө ёртъясыс,
Сьөлөмнысö йирө курыд шог.
Чышкалоны синъяснысö бордъяснас,
Мисьтөм мортөс пинялоны со.

РАДЕЙТА МЕ ПӨСЯ

Радейта ме пөся Коми муос,
Сійö муса мам кодь меным ас,
Ыбъяс вылысь кышкысь зарни суюс,
Ёльяс, юяс, маа видз и рас.

Радейта ме төвъяс, зэра аръяс,
Уна дас во сөвмысь ниа пу,
Кык нэм чөж нин олысь Сыктывкарös,
Кодлы некор лёк кывъяс ог шу.

Радейта ме ёна уджач йöзös,
Кодъяс киön томмö чужан му,
Сöstöm енэж, лöсталö код лöзön,
Лöня кывтысь дзормöm Эжва ю.

Радейта ме пөся Коми муос,
Сійö муса мам кодь меным ас.
Морös кудйын ыджыд радлун пуö.
Чужанін, тэ менам зарни пас.

* * *

Нывбабаыд абу сöмын ань,
Абу сöмын мам, код ловнас шань.
Нывбабаыд семьяыдлы пыкöд,
Олан мичыс и став гажыс сыкöд.

ЮГЫД КОДЗУЛӨЙ

С. А. Поповы

Югыд кодзулөй, кыв-вора мортөй,
Йөзлы козьналан радлун да шуд.
Тэнө шуоны йөзыс бур ёртөн,
Тэнад кывъясыд — дзоридз, веж луд.

Сямман, донаөй, вөрзёдны сьёлөм
Да и пестыны сэтчө яр би.
Тэнад ылөдз зэв нималө гөлөс,
Мича кывбуръяс кыысь бур пи.

Пөся лёкыскөд вензыны кужан,
Сылысь петшөрөн орссьывлан лов.
Лёкыс — ёг турун косьмас мед вужнас,
Олөм ёгөсьтысь микөд эз ов.

Югөд кодзулөй, кыв-вора мортөй,
Кывнад лелькуйтан муслун-любов.
Сөстөм шыяснад чуксась на, ёртөй,
Дона Серафим миян Попов.

Мужичöйыд семьяыдлөн потшöс,
Гортса олөм-вылөм сійö потшö:
Челядыд мед оз пет вöля вылö,
Керка-карта ас кадö мед выльмö.
Жаль, мый öнi уна семья олö
Люги-леги потшöс сайын олөм.

ШКОЛА-МАМ

П. А. Сорокинлы.

Паськыд туй бокын, джуджыд мыльк вылын
Пөвйөн кышөма школа со.
Сійө кык судта, уна жыръяса,
Олө-вылө нин уна во..

Кызьөд нэмлань кор кадыс воськовтис,
Восьтис өддзөссө школа-мам.
Коми челядьөс радліг сывъяліс,
Шуис: велөдчөй бура тан.

Уна ныв-пилы школа козьналіс
Ыджыд төдөмлун, олан сям,
И дзык сы вөсна ылөдз нималіс
Менам чужанін, Муса Гам.

Тан жө велөдчис, юрсө югдөдіс
Реми грезд шөрысь коми зон.
Ыджыд мывкыднас, паськыд вежөрнас
Лэптис школалысь сійө дон.

Дона быдтасөс өні казътылө
Быд лун ас ногыс школа-мам.
Паськыд морөсас сылы гижөма:
Тэ Сорокинлысь ёсьтін сям.

Веськыд сёрниа мортысь
 Эн тэ видзчысь, эн пов.
 Сійö лоас тэд ёртөн,
 Синмад оз койышт сов.

Но код чукльöдлö сёрни,
 Сылөн кык пөлöс бан.
 Тырмас син сайын ёрны.
 Сэтшöм мортыслөн сям.

КОР СЬÖКЫДЛУНКÖД НУАН ТЫШ

Кор сьöкыдлункöд нуан тыш,
 Сэк олöм-вылöм сьылö.
 А личкыны кө кутас дыш,
 Пыр кылавлан зэв ылö.

МЕДШӨР МОГ


Шондi чеччö, шондi лэччö,
Ноксьö-уджалö лун-лун.
Вой-вой тöлысь кудель печкö,
Оз тай личкы сийöс ун.

Сöмын сиктса олöм-вылöм
Дзикöдз падмис-джöмдiс со.
Ог нин кывлы сюлысь сьылöм
Ыбъяс вылысь уна во.

Раскөн, вөрөн видзьяс тырö,
Кулан выйын уна сикт,
Скöтлөн юр лыд чинö-бырö,
Корöм выйöдз воим дзик.

Сиктысь уджач йöзöс чышкис
Карлань дзутсьöм олöм лад.
Кодлөн таын грекыс, мыжыс?
Важөн корсьны вöли кад.

Ас ног мөвпала и шуа:
Вöтлыны мед тшыглун, шог.
Мортлы мусмас медым муыс,
Сетöй вöля — медшөр мог.



МЕЛІ ÖШ

БОТАНИКА ЖАНА ЖИВООТЛУК
МУХТАРАМ КЫЗЫГАЛ КИТАПХАНАСЫ
СӨЗДҮК БӨЛҮМ — МАТЕМАТИКА

ЫШОДЫСЬ

Көть сөвещанньö, көть собранньö,
Педот век медводз сёрни панö:
«Бур войтыр. Воö турун пуктан кад,
Мед некод лытайтны оз чайт,
Мед гөгөр уджыс бура муно
Да содö көрым лунысь луно».
... Кор турун воас — кышакылö,
Педот сэк гортсянь ёна ылын:
Пось кадö мортыс овлö ныж,
Лөз море дорын пöжö мыш.

ТӨДЫСЬ

Нэм джын олө-вылө Закар,
Нималө, кыздз төдысь-знакар.
Нимкыв видзө, ачыс шуө,
Рак висьомкөд тыш пө нуа.

Ен ув пельөс — рака позъя,
Ен пөв джаджыйн — зелья дозъяс,
Пөтөлөкас — черань везъяс,
Позьö кыны качай гезъяс.

Понөль чишкалыштас сиськөн,
Сы пыр сэсся ватор кисьтас.
Шуас: «Юрыд мед оз янав,
Гусьон сөйигводзад паняв.

Сэсся и Ентө төдны колө...
Ставсө юан — бара волы».
Кодыр Закар висьмас ачыс,
Котөрөн сэк корас врачөс.

КЫК ПРЕД

Лөсьыд овны сельпо предды,
Сылөн өкмыс магазин.
Чатөр юрнас юсь моз ветлө,
Кань кодь югыд сылөн син.
Кужö вöжжи зэлöдыштны,
Бурджык төвар воас кор.
Сиктса йөзөс велöдыштны
Сылы некор абу сёр.
Ыж ку пась да руч ку шапка
Йөзлысь син эз пöртмав мед.
— Джаджъяс улö! — гусьөн шөпкас
Вузасьысьлы сельпо пред.
Сиктса уджач йөзысь гусьөн
Юклö сёян-юантор.
— Майбыр, тшыгйөн он на узьöй,—
Позьö кывны сылысь гор.
Лыддысьысьыд, гашкө, шуас:
— Көнi сельсöветса пред?
То нö синсö лэдзис муас —
Ачыс гусьөн ньöбис плед.

МЕД ЭЗ СЕРАВ ПОРСЬ

Быд мортлөн аслыспөлөс думыс,
Быдөнлөн аслас олан сям.
Со талөн өдйө чужө нюмыс,
Оз ышнясь, чужом вылас рам.

Мөд — зумыш, пемыдінысь петө,
Он шайттөг сылысь кывтө босьт,
Лөкторсө вурунөс моз летө,
Оз буртор вөчан өдзөс вость.

Со коймөд варов парма ёль кодь,
Тэд отсөг сетны сійө дась.
Оз кывнас некор йөзөс кольмөд,
Оз ёртасьёмлысь гөрөд разь.

Дерт, лун шөр лунө югыд биөн
Дзик өткодь сямаос эн корсь.
Но овны сідзи, колө, пиөй,
Мед тэ вылө эз серав порсь.

КОДІ ТАЙӦ

Кортӧг локтас нимлун вылӧ.
Ӧтнаслысь и гӧлӧс кылан:
— Сур ни вина мен оз ков,
Наысь дӧзмӧ юр и лов!

Быд пӧрйӧ кӧть тадзи шуӧ,
Сингяс былявмӧныс юӧ.
Пирӧг, шаньга, черинянь
Горзьӧдлытӧдз сӧйлӧ Вань.

Мӧд лун бара ветлӧ-корсьӧ,
Оз-ӧ кӧнкӧ сывны-ворсны?
Ачыс абача кодъ ён,
Коді тайӧ, тӧдан он?

МЕЛІ ӨШ

Ыж кодъ төлка, порсь кодъ сөстөм,
Олө-вылө мелі өш.
Сійө веськөдлө пө скөтөн,
Быттьө пес поткөдлан нөш.

ӨТЧЫД

Өтчыд коркө вой шөр войын
Кысук кыйис гөса шыр.
Сейны лөсьөдчис кор сійөс,
Шыасис сэк ичөт ныр:

Сейөм водзад, мисьтөм чужөм,
Мыськышт ассьыд няйтөсь бан.
Яндысигтыр кыйөмторсө
Бокө пунктис миян кань.

Мыссис бура. Шырнас сэсся
Чөсмасьыштны көсйис Вась.
Видзөдө, а кыйдөс абу,
Шырыд утөвтөма тась...

...Мудермөма сэсся Кысук,
Радейтө зэв сөстөмлун.
Гортысь мыссьыгөгыд өни
Некор кыйсыны оз мун.

Зарни сорса Петрованос
Төдө курөггяслөн рөд.
Чипангьясыс сылөн шаньюсь,
Позйыс тшыг ни шог оз төд.

Ассьыс синсө моз жө видзө
Курөг чукөр Петрөван.
Некор йөз позлань оз видзөд
Сылөн сөстөм чужөмбан.

Сөмын петукыды дивө
Өні лоис өтитор:
Мыйла бара шефыс Ивө
Дурка олө, кольлө горт?

ӨНІЯ ЧАСТУШКАЯС


✓
Марпа быд рыт ресторанын,
Вылас мича платтё, кём.
Асывводзын гортас локтё,
Ружтё зептас сылөн сьём.


Совхоз тэчлім колхозъясысь,
Өні пусь-пась вөчим бөр.
Сикт-грезд кулом выйөдз воис,
Лун и вой көть сэсся бөрд.

Лыско ошкё ассыес ёртсө:
Сійө уджач, төлка пон.
Но кор лытор юкны ковмас,
Мөд ног изө сылөн вом.

Вөрса олысьяслөн чукөр
Ручлы козьналіс маңдат.
Вөрса олысьяслысь өні
Ручыд разьё олөм лад.

Митрей лоис юралысьөн,
Вывлань лэптис тыртөм юр.
Лун-лун гач пыдөссө зыртө,
Юө чөскыд вина-сур.





Айкатыла, Айкатыла —
Уджач йөзлөн оланін.
Эжмис өні му-видз тыла,
Оз и баксы Сюрук нин.

Енмыс сетліс Коми мулы
Уна-уна озырлун.
Сійос огө кужой видзны,
Мунө бокө лунысь-лун.

Озырлуныс вылө ваям
Йөв-яй, нянь-сов, вина-сур,
Весиг гыжъяс мавтан лакъяс,
Дзик нин йөймис миян юр?

Комын арөс. Уска, тошка.
Абача кодь паськыд, ён.
Мам-бать сьылі вылас өшйис
Лун-вой сёйысь сиктса зон.

Пөрысь сайө, верөс сайө, —
Шуө — пета, — наян ныв. —
Кулас. Озырлуныс коляс,
Кута сьывны сьыланкыв.

~~Өнбө матькө челядь вылас:
Лоёй, пиянөй, бур йөзөн.
Өні матькөны ас вылас,
Да и йөйтывлөны лөзөдз!~~

ВИНА ГАГ

Синтөм-пельтөм, бордтөм-коктөм,
Олө-вылө вина гаг.
Гагыйд уна вөчө лөктө.
Ваксьө морт вылө вак-вак!

Вина румка коді юас,
Гагыйд сылань мыччас сак
Да и тшапа крапкас, шуас:
Содты зельёсө, дурак!

Румка, мөд и коймөд бөрын
Сермөдалас морттө пыр.
Сэсса кыскас ывла вылө,
Көні шойччас вывті дыр.

Өтиясөс сывны корас,
Мөдлысь коряс йөктан лад,
Коймөдъяслысь муслун ёрас,
Дзугас олөмыслысь сад.

Кодөссюрө адө нуас,
Көні сійөс кутас чөрт,
Чөртыд пуан пөртйө сюяс,
Кытысь некод оз пет бөр.

Синтөм-пельтөм, бордтөм-коктөм,
Олө-вылө вина гаг.
Гагыйд уна вөчө лөктө.
Крепыд сылөн сермөд, сак.


ЛӦСЯЛІСНЫ ЕМ ДА СУНИС

Ӧти гажа тувсов лунӧ
Емлы сунис шуис кыв:
«Некор, мусаӧй, ог вунӧд,
Тэнад медся небыд сыв».

Уна рӧмӧн ем да сунис
Серӧдлісны олӧмбан.
Олӧм лӧсьыда зэв муніс,
Кӧть тэ сійӧс выльысь пан.

Сӧмын кыськӧ шог тай воис,
Чегис Емлӧн лэчыд йыв.
«Сунис мӧдкӧд кыӧ-вурӧ,
Сьылӧ гажа сьыланкыв».

ГОЩАРИНЪ ИЛИ АА СЪИНО



МИКОД ГОЖОМ
ЧОЛОМАСЬО

ДОНА ЛЭБАЧ

Видза олан, дона лэбач,
Саридз дорысь воём ёрт.
Тэ өд бара тулыс вайин,
Шонтыны мед войвыв горт.

Тэд, скворечлы, кока керка
Воккөд лэптім важөн ми.
Пыр да поздысь, муса лэбач,
Быдты сэні ныв да пи.

Төдам: градлы, садлы бурсö
Вöчан он нин первой во.
Сідзкö, сиктын кортöм гöстьөн,
Лэбач, некодлы он ло.

ТУЛЫСЫС КОЗЬНАЛІС

Лун төв кор матыстіс
Чардби да гым,
Пышйисны кытчөкө
Вой төв да лым.

Локтісны дзодзөггяс
Войвылө бөр,
Сьөлөмас радлуныс
Налөн оз төр.

Кыз пулөн мыччысис
Вежөдөм кор,
Дыр нин пө виччыси,
Шондодас кор.

Тулысыс козьналіс
Пармалы нюм,
Збыльмөдіс быдөнлысь
Корөм да дум.

КЫДЗЬЯС

Шондѣслысь зарни платгѣ
Пасьталѣма гажа расѣй.

Сѣйѣ шуѣ: «Чолѣм, асыв»!

Шондѣслы шѣпкѣ: «Атгѣ»!

Нюмдѣмаѣсь кыдзьяс-чѣйяс,

Бытгѣѣ оз и кѣдзав луныс,

Бытгѣѣ шогыс зѣркѣд мунѣс,

Бытгѣѣ оз и лоны дойяс.

АРСЯ ЗЭР

Петкөдлө со ассыс сер
Талун бара арся зэр:
Лунтыр йөктө ывла вылын,
Мыйкө вомгорулас сьылө.

Зэрсьыс ньөдздө му и видз,
Кынмө-тіралө том кыз.
Льөм да пелысь шөпкөдчөны:
Шуштөм пөра локтө өні.

Зэрлы веськодь, оз тай мудз,
Водзө вөчө арся удж.
Көдздөдас — и сійө дышмас,
Локтан воөдз бара пышъяс.

Көдзыд вой төв доддьялма бара
 Серкояссө корадоддө со.
 Тэрыб вөвъяс котөртөны яра,
 Көдзыд пөлюк вөтөдны оз во.

Корадожьяс вылас пукалоны
 Лагья пеля турөбъяс да төв.
 Найос вой төв байөдыштлө өнi,
 Шутьялягтыр сьылө: өввө-өв.

Регыд садьмис сэсса вильыш төлан,
 Лым чирьясөн койны кутис му.
 Турөбьяслөн ловзис гора пөлян,
 Еджыд кышөд пасьталис быд пу.

ӨШИНЮВСА КОЗ

Өшинювса пашкыр коз
Сывъяс видзö лэбач поз.
Гөститö кор сэни ур,
Коз коль пытшкысь корсьö нур.

Оз кө бонзьöд козийос төв,
Сийö вугралас дзик чөв.
Төв кө сувтас, пуыс дась
Паськөмавны көч ку пась.

Турöб дырйи «өввö-өв»
Козйыс шуас уна пөв.

ВЫЛЬ ВО ЛУНӦ

Нимкодясьӧ кӧдзыд пӧль
Выль во лунӧн.
Йӧктигтырйи сийӧ со
Сыльӧ, мунӧ.

Пӧльлӧн гӧснеч тыра ноп
Мышку саяс.
Ёлка выльӧ пӧрысь морт
Козин вайӧ.

— Кытшӧ, кытшӧ, муса пӧль,
Микӧд ворсны, —
Снегурочка — мича ныв
Сийӧс корӧ.

Аттӧ тэныд, донаӧй, —
Шуис сийӧ.
Радлигтырйи сэсса гӧсть
Мыччис кисӧ.

Пӧлькӧд челядь йӧктисны
Праздник вылын.
Чӧскыд гӧснеч быдӧнлы
Тырмис сылӧн.

АТТӨ ДИВӨ

Аттө дивө, аттө дивө!
Сейөм былө дөзмис Ивө.
Вомас нинөмыс оз пыр,
Чангыльтөма вывлань ныр.

Ивө моз эн вөчөй тi,
Зiля панясяс мед ки.
Сөянныд кө шыд да рок,
Вынсяласны ки да кок.

БЕРГӨДӨМА ОЛӨМ

Йөктө керка, йөктө пач.
Порсьпи вурө дөра гач.
Коз пу вылын сьылө тури,
Чери быдмө ыджыд нюрын.
Паччөр вылын куйлө көч,
Пипу йирө пиньтөм пөч.
Дзикөдз гугасьөма олөм,
Бергөдны бөр сийөс колө.

ЗОЯ ВРАЧ

Талун шань ныв миян Зоя
Гөрд крест ошөдөма сояс,
Шуө: «Ме пö лои врач,
Локтöй бурдөдчыны скач».

Медводз воис акань Нюра,
Сöмын тай пö доймөм юра.
Зоя бинтөн гартліс дой,
Сиис аканьлы бур вой.

Витаминөн вердіс вөлөс,
Медым чиблөн воссяс гөлөс,
Кисьтіс вомас ассьыс пай
Ошлы өмидз сора чай.

Сылы аттьö висьталöны
Ставөс бурдөдөмысь öні:
— Но и бур жö Зоя врач.
Водзö бурдөдав тэ тадз!

ИЧӨТ МАША

Талун ичөт Маша
Быттьö прамöй ань:
Чышкис керка джоджъяс,
Мыськис тасьтi-пань.

Нимкодясьö мамыс,
Радлö пöрысь баб:
Уджач мортөн лоö,
Нылыс абу ляб.

СЬЫЛӦ МАМУК

«Аддзысьлытӧдз!» — шонді шуис,
Сэсса вӧртас сайӧ суніс,
Эштіс сьлӧн лунся удж,
Войнас веськӧдыштас мудз.
Вӧрын унмовсисны пуяс,
Вугралӧны кӧдза муяс.
Сиктӧс личкис чӧскыд ун.
Шойчӧ ас ног гоҗся лун.
— Кунь вай синтӧ, оз тусь нылӧй,—
Сьылӧ мамук мелі кылӧн.
Унмыд аслыспӧлӧс ма,
Мича вӧтъяс вайӧма.

Бур кө сьөлөмыс мортлөн,
Радлун козьналас тэд.
Йөзлы лоас пыр ёртөн,
Дойдны некор оз сет.

Ыджыд дружбалысь кёйдыс
Көдзас сьөлөма пи.
Код пө лёклунсө көдзө,
Сійос сотас мед би.

ЧУЖАН ЛУН

Шензьö батъ и шензьö мам.
Чача шкапыс дзоргö, рам:
Сэн öд эзысь дас салдат,
Стенын — дзик выль автомат,
Пельöсын со — самокат...
Сöмын зонка абу рад:
«Бательн трактор колö мен,
Медся лöсьыд меным сэн».

АСЫВВОДЗЫН

Шонді мыйӧн садьмис,
Мыссис пырысь-пыр:
Нюжмасьны оз радейт,
Уджыс сылӧн тыр.

Лысва ыблысь, видзлысь
Мыськис чужӧмбан.
Асывводзын мыссьӧ
Быд ловъяяс тан.

Ваысь ӧтнас полӧ
Няйтӧсь ныра зон.
Сералӧны сійӧс
Ӧні кань и пон.

МИКӖД ГОЖӖМ ЧОЛӖМАСЬӖ

МикӖд гожӖм чолӖмасьӖ бара.
Вайис дзоридз, кыпыд лӖбач гор.
Гажа ягын бипур ӖзйӖ жара,
ЧуксалӖ походӖ ставӖс горн.

ПальӖдам ми пӖльлысь ордым вӖрын,
Медым корсьны юлысь чужанӗн,
Медым корсьны мичлун парма шӖрысь,
Медым сетны Ӗльы мича ним.

Кыпыда зӖв сыланкывсӖ сылас
Гажа вӖр и мӖдлапӖвса видз.
Весиг ур со пожӖм туган йылас
Сыланкывсьыс аддзӖ гаж и мич.

МЕЛЬНИК — ВОЙ ТӨВ

Ыджыд тошка мельник — вой төв.
Сетис кымөръяслы удж:
Тшөктис талун изны войбыд,
Мед оз дугдчыны сутш.

Кымөр бөрся локтө кымөр,
Гургө-изө еджыд пызь.
Эн тэ, вой төв, кокнад gryмөд,
Сідз нин гөлөс чорзё кыз.

Югдиг изөм вөлись эштис,
Уджнас мельник лоис рад.
Пыркнитыштис бусось плешсө,
Шуис: узыны воис кад.

Унмовсисны юяс, пуяс,
Еджыд эшкын мулы дась.
Бара петис төв кузь туяс,
Пельпом вылас көч ку пась.

ПЕТАМ, ИСКОВТАМ...

Өшинь улын круткодь чой,
Петам, исковтам сэт, чой.
Оз и ков тай тэрыб вөв.
Төвзям — полөмным эз вөв.
Пөрам лымйө, чеччам бөр —
Дадылөн крепыд льөм пу бөр.

АР

Ваймис, кусі гожся жар,
Ноп тыр зарни вайис ар.
Парма зумыштчөма, чөв,
Виччысьö выль көдзыд төв.
Төв ныр шырзьö пулысь кор,
Сылы өткодь — водз көть сёр,
Тарлы веськодь: төв көть ар,
Сейö кызлысь чөскыд гар.
Сөмын өтнас ош зэв скөр —
Колө гуö пырны бөр.

БАРАБАНӨН ВЕВТЪЯС ВЫЛЫН...

Барабанөн вевтъяс вылын

Ворсö шоныд зэр.

Войтва радлö: аттё сылы

Шуö выльдём эрд.

Веськөдін пö менсьым горшöс,

Чинтін весиг мудз.

Сэсса мун пö бөр вай гортад —

Мöдлапöлö вудж.

Кывзис зэрыд, мөдис бөр со

Збыльмөдны выль мог,

Пызйис пөттөдз сотчысь вöрсö,

Вөтлис сэтысь шог.

Быдөн зэрös гөгөрвоö,

Дöзмыны оз ков:

Зэртөг косьмö, пикö воö

Му вылын быд лов.

РЫТТОРУВ СЁРНИ

Öмидз и сэтөр,
Кушман и лук
Рытторув сёрни
Панісны друг.

Висьталё öмидз:
«Юмолыс тыр
Град вылысь вичмё
Меным тай пыр».

Кушман зэв скёра
Крапкис сэк кыв:
«Курдöдö менö
Град йөрлөн сыв».

«Дугдöй вай сөрны,—
Висьталіс лук,—
Некодлысь көрсö
Град йөр оз дзуг».

КУТИС ТӨДНҮ...

«Сюра — сера, мегө, бэ,
Дөзмөдышта тэнө ме.
Ичөт бальтө гуа,
Гортө сійөс нуа», —
Тадзи межөс нерис зон,
Сэсса пөлөстыштліс вом.

Скөрмис мегыд, лэптіс юр:
«Аддзан он тэ менсьым сюр?
Здукөн босьта пленө,
Велөдышта тэнө!»
Дөзмөдчысь зэв лоис рам,
Чарзө: «Отсөг колө, мам...»

Зонлы сюрнас сетіс мег,
Личкис стенлань, быгтьө шег.
Мортлөн збойлун муніс,
Нимыс весиг вуніс.
Тайө кадсянь ичөт зон
Кутіс төдны межлысь дон.

ӨШКАМӨШКА

Медбөрҗя зэр тусьяс
Сывъяс босьтис шондї,
Сэсса өшкамөшка
Зіля дорны пондїс.
Здук... и Эжва весьтө
Өшйис зарни карнан,
Нуас шоньд васө
Черинас и арнас.

Котөртам ми, челядь,
Карнан помсө корсьны,
Сөмын оз тай радейт
Сійө микөд ворсны.
Вөтөдны ог вермөй —
Ю катыдас мунө.
Дөзмис миян вылө,
Эжваас и сунис.

ВУРДЫСЬ

Вурдысь төдө
Ассыс удж,
Лунтыр жөдзө,
Оз төд мүдз.
Быдтор кыскө,
Тыртө поз,
Лун-лун тыртө
Эмбур доз.

КАТША

Лыддьö катша
Китш да котш:
«Кымын майөг?
Кымын потш?»

ШОР ДА ВӖР

МӖдлапӖлын оліс-выліс
Тэрыб, визув шор.
Долыда зэв сійӖ сывліс
Уна мичатор.

Сэн жӖ вӖрыс воысь воӖ
Пыкис енэжтас,
Ошкис таысь шорӖс-чойӖс:
Тэ пӖ мен зэв ас.

Ӗтчыд шорыс вӖрлы паніс
Жугыль сывланкыв:
СайӖдан пӖ аснад тани
ШондӖслысь сыв.

«Энлы, пиук, шыблась кывнад, —
Шуис пӖрысь коз, —
МетӖг олӖм тэнад йывмас,
Косьман гӖптыс моз»

... Колис кад, и мӖдлапӖлысь
ПӖрӖдісны вӖр.
ШорлӖн воши зысь гӖлӖс,
Оз нин воссы бӖр.

СИГУДӨКӨН ВОРСЫСЬ ЧИРК

Сигудөкөн ворсысь чирк
Сьолөмсяньыс сьылө.
Лунтыр йөктө йирк да йирк,
Гажыс кылө ылө.

Сулалө да кывзө чөв
Сыланкывсө пожөм.
Раммис, лөнис вильыш төв,
Вутралө туй вожын.

Йөктө бобув, йөктө ном,
Масө дзоридз пуө.
Уджач кодзувкотлөн чом
Чиркөс дышөн шуө.

ГОбъяс кодІ гуис?

Миян парма озыр
Вотосон и тшакон,
Талун чоя-вока
Котортим ми ягө.

Дона гоб и ельдөг
Нумон миян сюрис.
— Турипувтор колө
Вотыштны на нюрысь, —

Эльтис менө чойө.
Пуктим коз пу дорө
Тшакон тырөм дозьяс,
Котортим кузь шорөдз.

Гырысь турипувийон
Өдйө тыртим чуман.
Корсим төдса ордым —
Нопьяс дорө мунам

Воим коз пу дорө —
Виччысьтөмтор суис:
Дона гобьяс кодкө
Падьянъясысь гуис.

Сулыштим и аддим:
Коз пу лапьяс вылын
Өшалоны гобьяс,
Кык ур — туган йылас.

МУСА ПИУКӨЙ, СЫН!

Лэбач шыясысь садьмө
Парма, войвывса му.
Чужө небыдик төвру.
Сьылө-тэльөдчө ю.

Батькөд талун ми пыжөн
Юлысь поткөдам от,
Куим мегыра пыжным
Мунө өдйө, оз чот.

Айөй ышөдө менө:
— Пиук, зильджыка сын!
Вочавидзи ме сылы:
— Сына, ог жалит вын,

Сөмын висьтав мен, батьөй,
Чөскыд черилысь ним.
Батьөй нюммунис, шуис:
— Муса пиукөй, сын!

СИПТИС ӨДЗӨССӨ ГОЖӨМ

Сиптис өдзөссө гожөм,
Медым кежны мөд вожө.
Кыз пу разөдө, ыстө
Сиктса челядылы письмө.
Посни войтырөс корө
Бара школаө-гортө:
Школа өдзөссө восьтас,
Сывъяс тиянөс босьтас.
Төдөмлунгъяс странаө,
Шуас, восьлалөй вайө.

БАТЯ-ПАА

Өньö аслас пилы шуö:
— Ме ас сиктын медся ён.
Дышъяс вылö лöглун пуö,
Ме кодынас тэ лоан он?

— Муса батьöй, тöдны колö,
Бөрö кыска быдса класс.
Весиг велöдысьным полö:
Трактортöг он шед пö тась.

УР ДА КӨЧ

Мөдлапөлын төвйө
Шоныд позъяс ур.
Шоныд сылы сэні,
Тырмө сёян-нур.

Арся кадө сійө
Уджтөг лун эз коль:
Косьтис чөскыд тшакъяс,
Чукөртис коз коль.

Камгө көдзыд пөлюк,
Ур оз тшыглун төд.
Табъя коклөн-көчлөн
Кынөм абу пөт.

Шыасис ур дорө:
Гөститөдышт вай.
Вичмөдышт тэ меным
Нуртө ассыд пай.

Урыд стрөга шуис:
Ок тэ, табъя кок!
Гожөмбыд кө йөктін,
Абу тэ мен вок.

ГУДӨКАСЬӨ КЫРУВ ШОР

Гудөкасьө Кырув шор,
Гудөк шыыс абу нор.
Вижьюр вурө кольквиж платтьö,
Шорлы шуö: ёртöй, аттьö.

Ябыр-ичмонь, муса ныв,
Паніс мича сьыланкыв.
Сырчик юлы буртор вöзйö:
Чегьявлыны йисö көсйö.

Нюжмасигмоз садьмö сад,
Вөлөн рөдтö тувсов кад.

ЮРИНДАЛЫСЬ

АДДЗЫСЬӨМ

Шуд.....	4
Аддзысьөм.....	5
Кодзула войö.....	6
Öти думön ола.....	7
Пыр на шуlöны.....	8
Вижьюр.....	9
Шондiй-мамöй.....	10
Челядырся воясöй.....	11
Вой төланöй.....	12
Дзоридзалысь льöм.....	13
Муса нывъяс.....	14
Муса Сыктывкар.....	15
«Эзысь гөлөстö, донаöй, кыла...».....	16
Радейтчöм.....	17
Регыд ловзяс парма-вөр.....	18
Бара на тулысыд воас.....	19
Öшинь ув сад йöрын.....	20
Комынöд тулыс.....	21

Кор локта чужанінö, гортö	22
Шуа, донаöй	23
Кор дзоридзöн öвтчö веж льöм	24
Ар	25
Кököй-ныланöй	26
Мамлөн бур сиöm	27
Выльысь праздник со воис	28
«Тöвлань нин ар помыс сынö...»	29
«Вежсьö ставыс: му и вөр...»	30
Бурлак тöлысьöй	31
Гудök шы кор кыла	32
«Мамöс öлöда бара...»	33
Томлун	34
Нывлы письмö	35
«Хромка» гудök	36
Выль во водзвылын	37
Бур художник гожöм	38
Югыд томлунöй	39
Кыа	40
Чужанін	41
Авъя лэбач — коми кыв	42
Эжва юöй	43
Сылан, сылан, сыланкыв	44
Козьналö майыс	45
Асья серпас	46
Тельöдчысь ю	47
Руа час	48
Турöб	49

Пуксьö лун	50
Восьтiс öшиньсö кыа	51
Тулыс	52
Чикышгъяс	53
Муслун пестам ми	54
Арыс төвлань со сынö	55
«Зарни шондi вöчис...»	56
Катя, Катя, Катерина	57
Гудöк ворсö	58
Ичмонь пелысь	59
«Медым шудлунным туас...»	60
«Духи дукöн козьнасьö...»	61
«Кöдзыд пöль козьнасьö эзысьөн...»	62
«Гöрд дöра дөрöмсö кыа...»	63

Ме радейта

Мамлы	64
«Пыр на кассяна воöс...»	65
Воисны Комиö каляяс	66
Дзодзöггъяс лэбöны	67
Дона Эжваöй	68
Марко Ольга	69
Ме радейта	70
Стап Öнь Паш	71
Катласьöны Эжва весьтын каляяс	72
Радейта ме пöся	73
«Нывбабаыд абу сöмын ань...»	74

Югыд кодзулӱй	75
«Мужичӱйыд семьяыдӱн потшӱс...»	76
Школа-мам	77
«Веськыд сӱрниа мортысь эн тэ видзчысь...»	78
Кор сӱкыдлункӱд нуан тыш	78
Медшӱр мог	79

Мелі ош

Ышӱдысь	81
Тӱдысь	82
Кык пред	83
Мед эз серав порсь	84
Коді тайӱ	85
Мелі ӱш	86
Ӗтчӱд	86
Дивӱ	87
Ӗнӱя частушкаяс	88
Вина гаг	90
Лӱсялісны ем да сунис	91

Микӱд гожӱм чолӱмасьӱ

Дона лӱбач	93
Тулысыс козьналіс	94
Кыдзьяс	95
Арся зэр	96
«Кӱдзыд вой тӱв доддӱлӱма бара...»	97

Ошинювса коз	98
Выль во луно	99
Атто диво	100
Бергөдөма олом	100
Зоя врач	101
Ичот Маша	102
Сыло мамук	103
«Бур ко сыломьс мортлон...»	104
Чужан лун	105
Асывводзын	106
Микод гожом чолөмасьо	107
Мельник — вой төв	108
Петам, исковтам	109
Ар	109
Барабанон ветгъяс вылын	110
Рытторув сёрни	111
Кутис тодны	112
Ошкамөшка	113
Вурдысь	114
Катша	114
Шор да вөр	115
Сигудокон ворсысь чирк	116
Гобгъяс коді гуис?	117
Муса пиукөй, сын!	118
Сиптис одзөссө гожом	119
Батя-пия	120
Ур да көч ...л.....	121
Гудөкасьо кырув шор	122

Литературно-художественное издание

АЛЕКСАНДР ИВАНОВИЧ НЕКРАСОВ

СЧАСТЬЕ — БЫСТРАЯ ПТИЦА

Стихи на коми языке

Редактор И. И. Белых


Художник В. А. Моторин


Художественный редактор Г. Н. Шарипков

Корректор Н. Ф. Габова

ЛР № 010039

Подписано к печати 25.05.98. Формат 60x84^{1/32}. Бумага офс. Гарнитура Балтика. Печать офсетная. Уч.-изд. л. 3,08. Усл.-печ. л. 3, 72. Тираж 500. Коми книжное издательство. 167610, г. Сыктывкар, ул. Карла Маркса, 229. Отпечатано в Кировской областной типографии. 610000, г. Киров, Динамовский пр., 4.





Коми литература радейтысьяслы бура тӧдсаӧсь
Емдін районысь Гам сиктса олысь Александр
Иванович Некрасовлӧн висътыясыс да
кывбуръясыс, кодъяс петавлісны торъя
книгаясӧн. Ачыс сійӧ уна во велӧдіс татчӧс шӧр
школаын, вӧлі директорӧн. А прӧст здукъяссӧ
сиис литературной уджлы.

«Шудыд — тэрыб лэбач» кывбуръяса виль
небӧгын Александр Некрасов (Гамса) петкӧдчӧ
медсясӧ кызди лирической поэт.